

Universitätsbibliothek Paderborn

Ars Semper Gavdendi

Demonstrata Ex Sola Consideratione Divinae Providentiae Et Per
Adventvales Conciones

Laetitiae Perfectae Artificivm In Conscientiae Recta Efformatione
inuentum, & per Adventvales Conciones expositum ac demonstratum

Sarasa, Alfonsus Antonius de

Antverpiae, 1667

Tractatvs IX. De testimonio & laude Conscientiae.

urn:nbn:de:hbz:466:1-11367

SECUNDVM OFFICIVM CONSCIENTIÆ

Laudare benè agentem voluntatem.

TRACTATVS IX.

DE TESTIMONIO ET LAUDE
CONSCIENTIÆ

Gloria & honor & pax omni operanti bonum.

Ad Rom. 2. v. 10.

Gloria nostra hæc est, testimonium Conscientiæ nostræ; quod in simplicitate cordis, & sinceritate Dei, & non in sapientiâ carnali, sed in gratiâ Dei conuersati sumus in hoc mundo.
1. Cor. 1. v. 12.

*Laus quam Conscientia de re bene actâ voluntati tribuit,
solida est & licita. Neque ab eâ manus gloria, sed verum
jîncerumque Gaudium mentis exoritur.*

PRO O E M I V M.

Duplex
Conscientia
munus.



Rimam ratiocinationis nostræ partem exigimus, eamque difficillimam: è præruptis montium euasimus in planiora; & sic placidior faciliorque deinceps decurret oratio. Duo Conscientiæ esse munia jam dum diximus. Primum quidem de actionibus præstandis statuere

tuere agendum quid sit, licitumne sit eas exhibere an illici-
tum; ac proinde in rem trahendā num sint, an verò ab iis
penitus desistendum. Alterum quod Conscientiæ competit,
est de actionibus jam peractis ferre judicium, illudque de-
cernere, an bene sint præstiræ an vero perperam. Primum
jam absoluimus; secundum nunc aggredimur explicare. Ve-
rū istud etiam perpendendum est, quod quamvis in actioni-
bus quæ agendæ sunt decernendis, vno tantum modo mu-
nus suum Conscientia exequatur, qui totus hoc uno dictamine
absoluitur, præstandam hanc quæ proponitur actionem videri
aut non præstandam, agendum aut non agendum: tamen præ-
stata jam peractaque actione, plura sunt Conscientiæ officia, ad
quæ eius jurisdictione exercenda extenditur. Sic sane Legislatoris,
aut Regii Senatus, in præcipiendis ferendisque legibus, vni-
tantum est actio; legis nimirum efformatio eiusque in populum
diffusa declaratio, quæ cunctis fiat manifestum quid ab iis requi-
ratur. At vero circa actiones populi jam præstitas, non unum
est aut Regis, aut Judicis, aut Senatus officium. Nam aut lau-
dare rem, bene peracta si sit, debet, præmisque bene agentem
afficere; aut castigare, si lex obseruata non fuerit. Hoc vero
ut agat, inquirendum est in scelera, testes examinandi, corri-
genda denique quæ Republicæ inusta est labes. Ita prosus-
varia exercenda sunt Conscientiæ munia, ut de actionibus jam
peractis, officio suo faciat satis. Persequemur paulatim singu-
la. Nunc vero istud demonstrandum est, cum bene peracta est
actio, legique quam Conscientia tulit factum est satis, munus
eius esse laudare Voluntatem, eique de re bene actâ gratulari.
Vnde istud existit commodi, ut tota mens Gaudio perfluat li-
quidissimo: neque tamen inanem hanc esse vanamque gloriam,
sed solidam omnino, eamque cui, quam in hac mortali vitâ ha-
bere possumus, beatitudo superstruatur.

§. II.

Ea quæ præcedentibus sex Tractatibus sunt explicata, breui-
ter & summatum exponuntur.

Operæ prætium me facturum existimo, si antequam pergam,
ea quæ dissoluti jam dicta sunt, summatim colligam, & in
exiguam contracta epitomen, uno velut oculo conspicienda
obiciam. Unde id existet commodi, vt & ante auctorum faci-
lior futura sit recordatio, & eorum quæ dicenda sunt liquidior
sit, & appareat quasi concatenata connexio.

Conscientia est voluntatem dirige Primum itaque Conscientiæ munus explicauimus. Quæ cùm
nobis ad instar Padagogi à Deo prædicta sit ex mente Epicteti,
ita eius primum officium est, Voluntatem quæ natura sua cœca
est, quasi manu ducere, agenda designare, de fugiendis admo-
nere & instruere; idque non generatim docendo quid licitum sit
in generè aut illicitum, sed particulatim quid in quâuis actione

quæ præ manibus est, obseruandum sit vt fiat bene, aut vitan-
dum ne fiat male. Quod si Conscientiam, cum D. Gregorio
Nazianzeno, maiis dicere Tribunal domesticum, legoslatorem
nominas. Aut vt pressius loquamur, eius munus est, legem à
Deo latam Voluntati intimare & porrigitere, eamque peculiari-
bus actionibus applicare. Si denique cum Theologis Conscienc-
tiæ statuas esse Proximam regulam actionum humanarum, tum
verò dicemus, remotam quidem supremamque regulam, cui hu-
mana omnia commensuranda sunt & adæquanda, esse legem
voluntatēque Diuinam, cui vti omnia, ita & Conscientia, vt de-
bitum ordinem habeat, debeat conformari; at vero proximam
regulam & amissim, ad quam singulæ actiones exigendæ sunt &
expendendæ, Conscientiæ dictamen esse, seu judicium quo certò
statuit, hic & nunc actionem hanc esse licitam, Diuinæque Vo-
luntati penitus conformem, aut saltem ab eâ minimè dissentire.

Et quidem tantæ auctoritatis esse diximus hanc à Conscientiâ
latam sententiam, vt quamvis indubitata lex sit Deum colen-
dum esse & amandum, obseruandam esse justitiam, jus suum
cuique tribuendum; tamen nulla Voluntati speculatiuas hasce
veritates

2.
Vide au-
ctores
hos cita-
tos in
Tract.z.
§.1.

3.
Tract.1.
§.3.

veritates sequendi incumbat necessitas aut onus, nisi reipsa Conscientia voluntati denuntiet, & quasi præcipiat, hic & nunc colendum esse Numen; hanc quæ præ manibus est actionem legi esse subiectam; hoc jus dicendum; hanc denique seu Deo, seu sibi, seu Republicæ, seu proximo obseruationem, aut obsequium, aut reverentiam esse exhibendam. Istud igitur primum Conscientiæ officium est, Voluntatem actu seu reipsa instruere, & velut cæcum, ne cespiteret aut labatur, per plana & aperta, quasi manu ducere.

4. Jam verò eam ex aduerso etiam esse Voluntatis obligationem docuimus, vt semper peccet, quoties Conscientia ducentis arbitrium non sequitur, & ab eo distracta in alia abit omnia: numquam autem peccet, quoties bona fide, ducenti se Conscientiæ obtemperat. Quod non tantum locum habet, vt tum solummodo peccasse te credas, dum Conscientiæ, veram Dei legem quæque reipsa obliget, obtentienti non pares; sed etiam si ipsa per merum errorem, invincibilem tamen, alia proorsus omnia, quamquam quæ lex Diuina fert, facienda proponat, peccas nihilominus si ei refragaris: & contraria, impune & absque peccato sic errantem sequeris. Agis enim omnino prudenter, neque vitio vertendum est Voluntati, quod agit inuita, aut saltē mali nescia. Sic profectò non imprudenter agit cœcus, qui ducem suum, de cuius perfidiâ nulla vñquam ei incidit dubitatio, bona fide ducentem sequitur, etiam si à viâ aberret. Istud enim nequit discernere cum cœcus sit; neque alium percipit ducentis impetum seu recto, seu deuio ducat itinere; utrobique manu dicitur. Dicis autem est de viâ discernere, cœci verò illi insistere per quam dicitur. Sic quamvis mentiri sit semper illicitum; si tamen Conscientia dicit mentiendum esse, quod sincerè, licet per errorem, judicet tuendæ vitæ, seu suæ seu alienæ, à mendacio petendum esse patrocinium; errat quidem Conscientia, non peccat tamen voluntas mentiendo: immo nisi mentiretur, male ageret, quod Conscientiæ dictamini, quamvis erroneo non obediat, cum nulla de commissio errore menti incidat suspicio. Plana sunt hæc omnia, cum fide bona agitur, cum error non est culpabilis, aut ignorantia studio quæsita & affectata; cum denique judicium Conscientiæ, quod de actionis bonitate fertur, certum est, neque ullam dubitatione, aut mentis vacillatione intermixtum.

LI

Quia

Voluntas
obligatur
Conscientia
sua distra-
men cer-
tum sequi.
Nec peccat
etiam si er-
ret Con-
scientia.

Tract. 1.
§.2.Tract. 3.
§.4.Tract. 3.
§.3.

8

Cum pro-
babiles
sunt opinio-
nes, Con-
scientia
eligeret po-
test viram
vult.

In dubio
sequendum,
id quo
tutius do-
nec depo-
natur du-
biuum.

Si dubium
deponi non
potest, tum
ex posse-
fione au-
toris
presum-
ptio de-
cidenda
est res.

Quia vero non tardò sit ut de actionis peragendæ bonitate aut malitia; certum planè indubitatumque Conscientia nequeat iudicium ferre: primò quidem, quod pro virâque parte rationes stent vitimque probabiles: eo in euentu, dixi, vtram vult, selerē posse sententiam, eamque sequi sine ullo prorsus peccandi periculo. Fusè hæc à me disputata sunt.

Secundò atitem, cum hæc judicij certi suspensio, ortum non numquam ducat ex eo, quod rationes sint ejusmodi ut nullum ne probabilem quidem in alterutram partem assensum queat elicere; vnde dubiam hærente mentem necesse est; tum vero dixi in tertiorem partem inflectendum esse dictamen Conscientiæ, illudque amplectendum quod est securius, quamdiu dubia manet res, neque veritas potest euinci. Istud autem dicitur tutius, quod sine peccati periculo sit aut omittitur, dum contrarium non nisi cum discrimine peccati, saltem materialis, committendi exhibetur. Sic quamdiu dubitas an jejunii lex hodiernum diem afficiat, abstinentum est carnis donec de veritate rei constet. Nullum enim peccatum committitur, si carnis non vescaris, etiam si dies jejunii non sit; infringetur autem lex, si vere dies hic à lege jejunio fuerit designatus.

Quod si vero rebus omnibus bene expensis, examinatis & discussis, nihilominus dubia manet res, nec in alterutram partem, ne probabili quidem ratione veritatem datur allequi, tum sane ex possessione, juris presumptione, vti in foro externo & politico, ita & in foro interno seu domestico, efformanda erit Conscientiæ sententia, eique addicenda parti, pro quâ hæstant. Sic si nocte diem inter Iouis & Veneris, dubitatio inciderit an sit hora noctis diodecima, quamdiu de rei veritate constare non potest, pro libertate vescendarum carnium ferenda est sententia. Certa enim possessio pro libertate stat, quam septimanâ totâ librum obtinebat arbitrium: legis autem dubium est adhuc jus. Quod si autem nocte quæ Dominicam à Sabbatho dispescit, inciderit hæc dubitatio, carnis omnino est abstinentum: lex enim quæ totodie Sabbathino carnium usum vetuit, possessionem obligandi obtinet; ea autem non elidetur, nisi certi judices Dominicam illuxisse; id vero non judicas, quamdiu dubitas de totâ re.

Tertiò denique, quia contingit sèpissime; ut scrupulis agitata mens,

5.

Tract. 4.
& 5. toto.

6.

Tract. 6.
§ 2. 3.

7.

Tract. 4.
§ 4. 5.

8.

mens , falsisque peccatorum simulacris præpedita , nullum , sal-
 Tract. 7. tem quod sanum sit , de actionibus instituendis proferre possit ar-
 to. bitrium ; postquam naturam genitumque huius morbi sane mi-
 serandi exposui , tandem istud ex perulgata Theologorum om-
 ibid. §. 2. nium sententiâ , dixi , contemnendos esse omnino , non tam
 Conscientiæ , quâm à Dæmone ingestos aculeos , & vt latratus
 catelli habendos despiciatui . Quinimò adeo iis non cedendum ,
 vt contraria omnia agenda sint , mente impavidâ & imperter-
 ritâ . Ut autem Conscientiæ dictamen certum & indubitatum ,
 ibid. §. 3. quod omni actioni præmittendum est , rite scrupulus formet ;
 Remedio suo id marte si non possit effingere , ex viri prudentis aut Con-
 fessarij id formet arbitrio . Neque tamen à Conscientiæ suæ dicta-
 mine aut judicio , eo in euentu abibit , cum judicare istud pos-
 sit , alienam sese posse in arbitrandō sequi sententiam : & cum
 possit , etiam sæpenumerò debere ; cum alia curandis scrupulis ,
 formandæque Conscientiæ ipsi non suppetat medicina .

Scrupulus
contemnen-
di sunt &
agenda iis
contraria.

9. Et hæc quidem summa est eorum quæ sex præcedentibus Tra-
 ctatibus sumus complexi : quibusque primum Conscientiæ offi-
 cium , quod in dirigendis actionibus quæ adhuc præstandæ sunt
 totum consistit , vt cumque exposuimus . Ad alia itaque faciamus
 gradum .

Ex viri
prudentis
judicio
Conscien-
tiæ for-
mare po-
test , imo
sæpe debet
scrupulo-
suum .

§. II.

Solius Conscientiæ est peractis actionibus laudem dare , cui
 Voluntas tutò potest acquiescere . Declaratur quæ-
 nam judicia humana estimanda sint , quæ
 contemnenda .

10. Opus propositum Voluntas pro libero quo pollet arbitrio cùm
 peregit , tum verò ad secundum muneric sui exercitium
 Conscientia accingitur : siquidem omnis animæ libera actio ,
 prout ex Conscientiæ dictamine instituenda est & dirigenda , ita
 postquam peracta est & in rem deducta , rursus ad Conscientiæ
 tribunal est reuocanda , vt eius judicium subeat , malène fuerit
 transacta an verò bene . Et siquidem bene actum fuerit , appro-
 batur opus ; & Voluntas , quasi pro rostris , legitimè laudibus à
 L 1 2 Con-

Conscien-
tia est actio-
nem præfi-
tam appro-
bare . &
laudare
voluntatē

Conscientia extollitur : quibus tota mens delibuta , Gaudio perfunditur incredibili , & tamen sincero & solido: vnicum quod Conscientia pro re bene acta conferre potest præmium. Sic tamen vnicum , vt nullum prorsus illi , aut pretio , aut stabilitate , aut etiam voluptate possit comparari: imo si hoc desit , reliqua omnia nullum operæ dicenda sunt præmium , adeoque cum D.

Paulo habenda *pro minimo* , imo etiam *pro nullo*

*En quidem
folius Con-
scientia, le-
gitimum id
munus est.*

Sic certè Pædagogi munus est , non tantum clientis sui manum ducere , recte scribendi dare præcepta , characteresque efformandos præscribere ; sed & ea quæ à puerō scripta sunt discutere , & quæ corrigenda sunt dispungere. Sin verò recte se habeant omnia , characterum apices bene si sint expressi , linearum ordo probè exaratus , & quod propositum est exemplar accurate obseruatum si sit ; tum sanè & laudare accurationem pueri , & verò etiam pro re & tempore præmio clientem debet afficere. Quamquam non aliud magis sit puerō expetitum , si sit ingenius , quam gaudium quo gestit , Pædagogo sua probari quod perficiat. Eius enim approbationem maioris facit , quam ullius cuiusquam alterius , qui characteres à se exhibitos laudibus extolleret. Neque sanè domesticorum omnium mira de se prædicantium dictis acquiesceret , si vni tantum displicere se sciret Pædagogo. Huic cùm satisfacit , ipse sibi sufficit , etiamsi in se laudando reliqui omnes deficiant. Sapit profectò puer ita cùm sapit ; tota enim ei res est cum Pædagogo , cuius curæ se nouit esse commissum , neque ab alterius cuiusquam domestici nutu aut imperio dependeret.

Hæc itaque tenenda est agendi ratio. Pædagogum animæ præpositum à Deo , Conscientiam esse jam diximus. In hanc igitur figendus est animæ obtutus , hæc obseruanda est vnicè , vt recte statuas , in te ei quid displiceat. Aliorum si tibi præterea judicium adjicitur benignum & placidum , agrè id quidem ferendum non est ; sin verò non adjicitur , ferendum id sanè est perquam leuiter , neque vulgi sententiis est succensendum. D.

*Conscien-
tia est vera
arbitra a-
ctionum ;
errare non
potest.*

Ambrosii præclarum id est monitum. *Non secundum forensem abundantiam , inquit , estimanda est beatitudine singulorum ; sed secun-* D Amb.
1.1. off. c.
dum interibem Conscientiam , que innocentium & flagitorum merita discernit , vera & incorrupta pœnarum premiorumque arbitra . Enī ut quæ à me de amplissimâ Conscientiæ iurisdictione 12.
dicta

dicta sunt, suo calculo firmet Ambrosius. Etenim *vera* prorsus est, imprimis innocentia aut flagitii, ac proinde pœnarum præmiorumque *arbitra*. Cùm enim voluntas errare non possit, sic ut ei culpa vertatur, si Conscientiam sequitur, eiusque regulæ seu dictamini adæquatur ut antè ostensum est; sane nemo quisquam potest verius, & manifestius discernere an Conscientiæ duæ voluntas secuta sit, quâm ipsam Conscientia quæ cœcam duxit. Neque verò vñius judicio euidentius scies, an dictamini Conscientiæ tuae, tamquam regulæ recti, actionem applicueris, quâm ipsius Conscientiæ judicio quæ rem direxit. Sic an linea quam chartæ inscripsisti, recta sit, quâdem id pôteris ratione manifestius indagare, quam ex ipsius regulæ quæ manu scribentis duxit, applicatione & quasi sententiâ? Sanè si Conscientiæ regulam obseruasti, certum est rectum te tenuisse, id est egisse prudenter: regulam autem Conscientiæ an obseruaris, nemō id quidem diiudicabit sincerius, quâm ipsa quæ rem direxit regula. Vera itaque & sola innocentia & flagitiū pœnarum exinde præmiorumque arbitra est Conscientia.

13. Neque *vera* solummodo sed ut D. Ambrosius asserit, *incorrupta* omnino est arbitra, id est judicii prorsus incorrupti, quodque nullo favore, nullis blanditiis, nullis etiam minis possit infringi aut vietari. Quidquid enim mihi abbländior, quidquid persuadeo; quidquid exoro, numquam tamen id mihi persuasero ut judicem recte egisse me, tum cùm contra judicij mei dictamen judico me egisse. Quid enim est malè agere, nisi judicio suo in agendâ re contrauenire? atqui quo pacto est possibile, judicare me, contra judicij seu Conscientiæ meæ dictamen non egisse, cùm reipsâ judicem oppositum? Dissimulare peruersitatem actionis forte possum; judicare autem peruersam non esse, in manu non est. Nimis enim incorruptus judex est Conscientia; & huius arbitrio in mente aguntur omnia. Rursus etiam ex aduerso, nemo vñius mihi persuaserit male me egisse, si bonâ fide Conscientiæ ductum in re agendâ secutum me fuisse mea judicet Conscientia; arbitratum, inquam, fuisse sincere & candidè. Hoc si mea statuat Conscientia, frustraneum est quod totus orbis criminis me condemnet; innocens sum, si mea Conscientia me absoluit. Errasse possum, fateor; peccasse autem minimè: siquidem peccare est, Conscientiæ suæ dictamini contradicere: errare autem,

L 13

*Item in ini-
dicando est
incorrupta.*

est

est quomodocumque, siue per culpam, siue inculpatè, ab eo quod verè rectum est desciscere. Possum ergo sine culpâ errasse; sine culpâ autem propriè non peccatur. Conscientia igitur cùm de actione diiudicat, quamquam falli possit in eo quòd eam iudicet legi Diuinæ conformem, cùm forte per errorem conformatis non sit; numquam tamen falli potest, dum iudicat actum benè, id est, actione iudicio Conscientiæ conformatâ & congruâ. Longè enim diuersa sunt, bonum agere, & benè agere. Bonum enim ex erroneâ Conscientiâ fit sàpiùs male, & malum benè. Tanta est in actionibus humanis permutandis Conscientiæ vis & auctoritas; & in iis diiudicandis, tam incorrupta minimeque depravata sinceritas.

Atque ex hâc differentiâ quæ reperitur inter bonum vel malum agere, & inter benè vel male agere, ratio fiet manifesta, cur minimi ducenda sint, imò prorsus contemnda hominum iudicia, quoties te benè vel male egisse statuunt; quoties te vel de scelere arguunt, vel de virtute deprædicant. Non est, inquam, quod te hâc laude multùm delinjas, aut vituperio magnopere perturberis: nesciunt enim quid rerum dicant. Neque de virtute tuâ aut vitio, yllus, præter Conscientiam tuam, pro sano, iudicium potest ferre, cum nemo resciat quid rerum agatur intùs. Hinc ad rem meam D. Gregorius: *In omni, inquit, quod dicitur, semper tacitè recurrere debemus ad mentem; dicitur interiorem testem, dicitur judicem requirere. Quid enim prodest si omnes laudent, dicitur Conscientia accuset? aut poterit obesse, si omnes derogent, dicitur sola Conscientia defendit?* Nihil planè, cùm ad interiores actiones hominum rite diiudicandas, nulla nisi pro Conscientiæ tribunali, legitima detur auctoritas.

Obicitur, non videri contemnenda omnia humana iudicia.

Quid ergo inquires, an nulla omnino attendenda sunt hominum, etiam proborum prudentiumque iudicia? sanè si laudandum non est quod omnes laudant, neque adeo dandum sit vituperio omnes quòd vituperant, maxima commercio humano infertur labes; neque posthac è communi perulgatoque hominum sobriè prudenterque agentium iudicio, sed ex priuato cuiusque sensu, tota viuendi petenda est ratio: quod certè perquam absolum est, & heteroclytum: inter homines enim viuimus, quorum moribus iudiciisque, dum à Diuinâ lege non aberrant, sese coniungere, ne pars à toto discrepet, summa profectò est virtus,

D. Greg.
hom. I. 18
Ezech.

15.

&

& quæ rectè vocatur humanitas: vbi contra judiciorum omnium contemptus, barbaries quædam dicenda est, & ad siuas ferarumque cauernas non immerito ableganda.

16.

Respondens, curanda iudicia, cù indicant quid bonū aut malum sit. Optima est hæc obiectatio, & quæ rem omnem declarabit aperte. Satis enim id videtur difficile, quo pacto judicia quæ de te feruntur, contemnenda cum Gregorio passim dicant Sancti Patres, imò & Sacræ paginæ; vniue adhærendum esse statuant Conscientia judicio: cù tamen in commune viuamus, atque adeò ex communi proborum hominum, vnaque conuiuentium agendum sit judicio, ne pars, vti rectè opponitur, discrepet ab vniuerso. Respondeo itaque, quod ut rectè judices, quid bonum sit & honestum agere vel non agere, tibi cùm id non constat, id quidem ex alieno petendum esse judicio. Rursus quid mores ferant patriæ, quid leges, quid vetera instituta, quid ciuium ordo, quid incolarum consensus, & cætera omnia quæ ad communem viuendi rationem faciunt. Rursus quid passim laudi vertatur quid vituperio, non è tuo petendum est cerebro, sed è communis id decernendum est consensu. Denique an ingeniosa fuerit quæ à te exhibita est actio, an utilis aut tibi aut Republicæ, an temporis & rebus accommoda; tandem ut verbo dicam omnia, an Bonum sit id quod egisti, bonum, inquam, ut dicitur materialiter, id sane iudicare possunt homines: & verò si probi sunt & prudentes, eorum standum est judicio; neque adeò contemnendi, ut potius plurima eorum laudi & vituperio deferenda sit reverentia. Nam ad diiudicandum quid bonum sit & rectum, rationalis naturæ sese jurisdicō extendit, quam cuius homini insuit Deus. At vero ut legitimè judicent homines, rectè egeris & benè, etiā dum egisti quod reipsa bonum est, id verò in eorum manu non est; cùm ad internos animi tui motus dignoscendos, nulla eis pateat via. Quo pacto igitur judicent, quod nesciunt, neque scire possunt nisi ex te: sin autem de re ignoratâ ferunt judicium, jam sane manifestum est, quam id sit lutile & contemnendum.

17.

Non satis facit laus humana, nisi Conscientia laus accedit. Ut itaque certò noueris an benè & sine culpâ rem peregeris, non id alienis judiciis indagandum est, sed decernendum tuo. Et quamvis totus passim orbis hominem te frugi vocet, magnâque virtute pollentem clamitet; justitiæ tenacem dicat; eleemosynis quas erogas benè largis applaudat; corporis macerationes

tiones, precesque in multas horas, noctemque concubiam protractas laudet; denique virum magnae religionis omnique exceptione majorem te deprædicet: tamē si Conscientia judicet, bona hæc omnia, non bene à te fieri, id est non rectâ mente, sed nescio cuius captandæ famæ gratiâ; denique ad distortos fines & fortasse malos, studia omnia deriuari: tum sanè sic statuc, ineptum hominem esse te, hypocritam, omniue dignum vituperio, quantumcumque sanctum te dicant homines, & inter Diuorum numerum, viuentem adhuc referant, nouâ atque haetenùs inauditâ apotheosi. Bonum te egisse quod judicant, judicant bene; benè autem quod egeris, judicant pessimè. Bonum verò laude dignum non est, nisi fiat bene. Contemnenda igitur sunt, quantumcumque magnifica de te judicia; imò si recte rationem tenes, tute ipse fateberis ingenuè, numquam tibi ab alienis laudibus fuisse satisfactum, quoties Pædagogus interior, Conscientia inquam, iis intercessit. Quinimò maiori pudore suffusum te confiteberis, quoties reclamante Conscientiâ, actionemq; tuam condemnante, laudibus te forte extulit alienus fauor. Verissimum est itaque istud Gregorii, *quid prodest si omnes laudent dicitur Conscientia accuset?*

Vicissim verò, omnes quamvis te condemnent, virtutisque si-
ctè te insimulent, & omnia à te probè facta in malos pèruersos-
que fines detorqueant; approbationem tuæ Conscientiæ si acto-
rum tuleris, nequidquam vituperabunt omnia. Virtute tuâ,
rectique Conscientiâ te inuolues, ridebisque vulgi infantis
judicia; & vt innocens, ita & viues securus tui. Hoc autem
qui consequitur, quid vltra persequitur? secum viuit placide,
dum tempestatibus circumvoluit orbis vniuersus: habet enim
de se judicium verum & incorruptum. Maneat istud itaque,
Conscientiæ, non directionis tantum, sed & approbationis jus
competere: ipsius esse decernere quid recte actum sit quid perpe-
raram, ac proinde quid laude dignum sit quid vituperio; ac de-
nique Voluntatem pro re bene actâ laudibus; contrâ verò, vitu-
perio afficere.

§. III.

*Consci-
entia laus, fi-
ne alia
omni, sibi
sufficit.*

18.

Boup mūloī ñia . 12 mūloī tv. cū dñb. ari. oup , rīlīo smas
est. s. III.

*Exponitur in quo consistat laus Conscientiae, quod gaudium
inde oriatur, & quæ dicatur leta Conscientiae.*

19. IN quo autem laus sita sit, quam Conscientia actioni præstat, *Laus Con-*
scientia est
operis nuda
approbatio.
facile id jam erit intelligere. Est enim ea laus, actionis præsti-
tæ nuda approbatio, judiciumque legitimè prolatum, *Factum*
bene. Sic autem instituitur tota hæc actio. Simulatque à Vo-
luntate liberâ (nam non liberæ nulla laus competit) actio ali-
qua in rem producta est; illico mens in eam, quasi animæ suæ
sobolem, oculos coniicit. Et siquidem eam Conscientia dicta-
mini, quod antè de re agendâ tulerat, conformem inuenit; il-
lico ut genuinum dignumque se fœtum agnoscit; approbat quod
actum est, & judicat actum bene; siquidem id solum bene agi-
tur, quod ex Conscientia sit dictamine. Statuit itaque primò, *Primo que-*
ad substan-
tiæm operi.
actionem eam exerceri debuisse, aut saltem sine crimine po-
tuisse: ac propterea actum esse probè. Et sic approbata est o-
peris, ut sic dicam, substantia. v. g. statuit eleemosynam be-
nè collatam, preces religionemque Deo recte exhibitas, justi-
tiæm benè administratam, conuiuum benè celebratum, corpo-
ri relaxationem bene datam: id est, omnia ista fieri aut de-
buisse, aut saltem potuisse. Atque hæc prima actionis est ap-
probatio & laus.
20. Deinde circumstantias omnes operis dum circumspicit, si eas
etiam dictamini Conscientia ad vnguem videt congruere, sic vt
modus agendo pæscriptus obseruatus sit; tempus nimirum da-
tum actioni commodum & opportunum, diuturnitas operi pru-
denter circumscripta, locus & socij congrui, modus & mensura,
prout oportet rebus adhibita: hæc inquam, omnia aut pleraque si
actionem cōmendare Conscientia judicarit, tum non operis tan-
tum substantiam, sed & operis modum, id est, totam quanta est
actionem approbat Conscientia, laudeque ex omni parte dig-
nam judicat Voluntatem. Hoc est, ita eisſe judicat, vt ne-
mo, ne Deus ipse quidem judicare possit, actum improbè.
21. Atque ex hæc demum Conscientia approbatione, Gaudium
M m animæ

*Quid sit
Gaudium
ex illa lau-
de exsur-
gens.*

animæ existit, quo ita delibatur, vt nullum ei, nisi solum quod super naturam est, majores, sincetiores, solidioresque delicias possit facere. Istud autem Gaudium si petis quid sit, dico aliud esse nihil, præter pacem Voluntatis acquiescentis, & quasi indormientis Conscientiæ suæ judicio. Aut vt aliis verbis dicam, Gaudium istud, Quies est Voluntatis cupientis omnino actionem istam à se esse præstitam, & nolentis præstitam non esse; idem est enim voluntati Gaudere, & velle. Et Gaudere de re præsticiâ, nihil aliud est quam velle te voluisse.

*Conscientia
unde dic-
tur laus.*

Hæc demum voluntatis sibi acquiescentis pax & tranquillitas, 22. Gaudium dicitur & securitas Conscientiæ. Non quod Conscientia læta sit aut esse possit, est enim Conscientia vt ante me dixisse memini, merus actus Intellectus; & hic quidem mera operis approbatio: in hæc autem, aut in intellectu, quod potest esse gaudium? Tamen hæc ipsa operis approbatio & laus, non male dicitur læta Conscientia; ideo quod ipsa radix sit lætitiae, quam Voluntas ex operis sui approbatione legitimâ percipit. Sic sane læta dicitur judicis sententia, quâ quis innoxius declaratur; multoque magis ea, quâ veluti testimonio publico & authentico, eius acta deprædicantur: non quod judicis sententia læta sit, sed quod lætitia futura causa sit & fundamentum. Sic quidem verissimum est istud D. Bernardi, D. Bern. Conscientia bona letificat animam: lætam autem facit, judicando quod Conscientiæ suæ dictamini fuerit obsecuta, quod ducis suæ directioni obtemperarit, denique quod egerit bene. Læta ideo dicitur Conscientia, quia lætitiae radix est, succumque quo voluntas gaudeat, animæ suppeditat. Gaudium autem quod exinde trahitur, tantum est, vt totam perfundat animam; eamque sèpissime ita replete, vt etiam in corpus ipsum, & præcipue cor, naturalis gaudij sedem, redundet: adèò vt etiam membra corporis, viuente animæ actionisque bene exhibitæ instrumenta, suo præmio non careant, sed deliciis fruantur, ut innocentissimis, ita & liquidissimis. Atque hæc quidem laudis à Conscientiâ procuratae, sunt effecta.

Tract. 2.

§. 1. & 3.

Part. 2.

I. de Cœ.

§. 4.

Ostenditur minimè insanum , aut vitiosum esse , bene de actionibus à se præstitis sentire & judicare ; sed contrà potius sanctum . Explicantur quædam oppositæ auætoritates .

23. **D**eo iis quæ à me dicta sunt video posse opponi , quæ non exiguuntur momenti ; quæque si rite exponantur , magnam argumento nostro lucem dabunt . Et primò quidem , non abs re quæri potest , an consultum sit existimare te rectè agere , & de virtute propriâ judicium ferte sibi fauorable : quinimò & pro re benè actâ se laudare & quodammodo sibi gratulari . **P**rimò enim satis constat , mente captorum id esse fæsemirari , & laudibus extollere . Jam verò siue meipsum laudem , siue mea me lauder Conscientia , id quidem perinde stultum , cùm nemo à Conscientiâ suâ sit alius , sed vna sit atque eadem res . **S**e cundò perfectioni , ad quam contendendum est , prorsus id videtur contrarium , arbitrari se rectè & ex virtutis regulâ actiones suas instituere . Aliâ sane viâ , virtutis apicem tenuere Sanctissimi quique viri . Per summam enim demissionem animi verebantur opera sua cum Prophetâ Jobo , & tam exilem projectamque de rebus suis habebant existimationem , vt sanctissimas etiam à se præstitas actiones , virtutumque heroicarum exercitia , censorio notarent calculo , & verò etiam culpe plerunque condemnarent . Posset id quidem pluribus euinci Sanctorum Patrum testimoniis ; vnum tamen dissimulandum non est , illudque celeberrimum D. Gregorij ad Augustinum Episcopum Angliæ responsum , quodque in Decreto refertur . Ita inquit . *Bonarum mentium est ibi culpas suas agnoscere ubi culpa non est .* Hoc autem bonarum mentium si sit , cuius denum mentis erit , actiones suas palpare , laudibus efferre , & quasi fœtum formosissimum blandè demulcere & quodammodo desuauiat : cuius inquam id mentis erit , an insolentis an insanæ : profectò id bona mentis esse non dicet Gregorius . **T**ertiò , quid est arrogantiæ ansam dare si hoc non est : quæm faciliè insolescat , qui se , quæ laude digna

*Obiectione
dua. Non
videtur
consultum
esse quod
Conscientia
Volunta-
tem de re
bene add
laudes . Id
que tripli-
cem obra-
tionem .*

Job. 9.
v. 28.

refertur
distin. 5. c.
Ad eius.

M m 2



digna sint egisse, secum ipse loquitur, sibique persuadet? Cauit profectò huic periculo Christus ipse. Idecirco, inquit, *Cum feceritis omnia que præcepero vobis, dicite servi inutiles sumus.* An v. 9. non exinde manifestum sit, actionibus nostris nullam deberi laudem, imo ex aduerso potius esse vitij condemnandas? Hoc igitur agendum esset Conscientiæ; reprehendere deberet actiones etiam præclarissimas, & non eas, quasi eximium quid actum sit, putidè apud se efferte. Et hæc quidem prima est objectatio.

*Obiectio 2.
lætitie ex
benefactis
orta, vi-
detur esse
vana glo-
ria.*

Altera ex hâc nascitur. Nam etiam si operibus benè & ex virtute peractis, aliqua detur à Conscientiâ approbatio, tamen gaudium quod exinde oritur, videtur omnino reprimendum. Quid enim est inanis gloria, tot Sanctorum Patrum exagitata & & condemnata sententiis, nisi ea quæ ex rectè factorum Conscientiâ oritur, mentemque incautam subrepit lætitia? Quod si autem vanæ gloriæ fumis lætitia animi inspergitur, profectò minimè dubitandum est, reiicienda quin sit, neque umquam Conscientiæ subiectis laudibus, temere suscitanda. Hæc fere sunt quæ dictis opponi possunt, & verò etiam explicatione indigent. Primum igitur hoc paragrapho expedio; alterum sequenti.

*Respondo-
tur obiec-
tioni pri-
ma.*

Respondeo itaque, non nisi per errorem grauissimum dici, neminem nisi per insaniam judicare posse, hominem sese esse frugi, bene agere, & laudabilem sese operam virtuti impendere; atque hoc sanctorum hominum praxi aduersari, vt potè à quibus omnis sese demittendi impensè quærebatur occasio, nulla verò efferendi se. Temere inquam dicuntur isthæc dicta. Adeo enim hæc Sanctorum praxi non officiunt, vt sanctissimus quamvis esset Paulus, minimèque arrogans, tamen de Conscientiæ suæ pro se datâ sententiâ, mirum in modum exultet, & sapien-

*Gloriatur
de testimo-
nio Con-
scientiae sua
D. Paulus
& non glo-
riatur va-
ne.*

tissimè glorietur. Ita loquitur. *Gloria nostra hec est. testimoniū Conscientiæ nostræ.* Et quid quæso testabatur Conscientia? opera ab ipso præstata, rectè præstata, atque esse bona. At ex quo capite ira censet? Ex eo sanè quod sincerâ mente, quod bonâ fide, quod simpliciter ex Conscientiæ dictamine ea peregerit. En verba Pauli exponentis quæ sit gloria, aut quod sit Conscientiæ suæ testimonium, quod in simplicitate cordis inquit, dicitur sinceritate Dei, dicitur non in sapientia carnali, sed in gratia Dei, conuersati sumus in hoc mundo; abundantius autem apud vos. Ea ut quæ antè à me dicta sunt, confirmet Paulus; laudem nimurum

*2. Cor. 1.
v. 12.*

2314



1. Cor. 4.
B. 3.

nimirum & gloriam cuique propriam à Conscientiâ esse petendam. Nam qui alias generoso animo dicebat, *Mibi autem pro minimâ est ut à vobis judicer, aut ab humano die,* ecce nunc de Conscientiâ sue testimonio, pleno ore, plenus gaudio gloriatur. Totum autem de quo tantoperè exultat Conscientiâ testimonium, paucis hisce verbis circumscribitur, *quod in simplicitate cordis & sinceritate Dei, id est Deo cognitâ, judicarit ita conuer- fandum in hoc mundo,* prout conuersabatur; id est, ita egisse, prout Conscientia agendum præscriperat. En totam quam Paulus habebat & præ se ferebat lætandi, imò & gloriandi materiam.

26.

Non tamen hic hæreo: sed jam sic tecum ago. Quod si omnis Pauli gloria sit testimonium propriæ Conscientiæ, certum est, testimonium de re benè actâ Pauli Conscientiâ tulisse: quod quantum intelligo nihil est aliud, quam judicasse, actiones præstitas, ex virtutis regulâ esse præstitas, ac proinde fuisse laudabiles. Nam si perperam acta fuisse Conscientia attestaretur, nullam sanè ex tali testimonio habuisset Paulus gloriandi materiam. Laudauit itaque Paulum Conscientia. Et cum Paulus à suâ Conscientiâ nihil differat, manifestum profectò est Paulum laudasse se. Et tamen, an illus insanisse Paulum dicere audeat, nisi qui non vulgariter ipsemet insaniat? Nullus inquietus. At Paulus ita de se sentire licet poterat, cum id liquidò sciret, sanctitatis omnis apicem assecutum se. Itane verò? at vnde id rursus poterat di- gnoscere, nisi ex Conscientiâ suâ, singula quæ in simplicitate cordis & sinceritate Dei agebat approbantis testimonio? non igitur quia sanctum se nouerat, idcirco opera sua tamquam laude digna commendabat Paulus; sed quia singula quæ præstabat opera, Conscientiâ testimonio approbabantur, idcirco de sanctitate suâ, de Dei, inquam, amicitiâ sibi præstâ, judicium po- terat pro sano ferre. Non igitur dicat quis, insanorum esse lau- dare se, actionibusque suis album calculum adiicere. Sanè pru- dentis est scire quid quis agat, & de actionibus suis judicium ve- rum ferre. Insani est, laudes suas passim in vulgus temerè spar- gere; dotes animi aut corporis vbiique ostentare, & forsitan eas quas non habet: insani est, de rebus à se actis nullum loquendi modum aut finem facere: insani est etiam quandoque, actiones suas ita omnibus velle commendari, quasi si nullum iis vitium

& ostenditur, adeò non insanum esse quod Conscientia se laudet, ut sine illâ laude nemo sit probus.

Quando se
insanum
laudare se.

biupis

M m 3

irrepse-

irrepsetit: insani est, judicare tam ingeniosè, tam prudenter, tam cautè agi & acta esse à se omnia, vt ab omnibus necessariò sint approbanda. Hæc, inquam, omnia, aliquid intermixtum insanæ habere possunt. Verùm si rectè aduertis, hæc ad Conscientiæ forum, jurisdictionemque non spectant. Judicat illa, vt Hic n. 16. antè me dixisse memini, non an ingeniosè, non an cautè, non an ex humanis sapientiæ regulis, non denique an alienam approbationem & laudem merita sit actio quam præstigit; sed an benè actum sit, hoc est, an sincerè, an bonâ mente & fide. Hoc autem judicare adeò insani non est, aut arrogantis, vt fine hoc judicio nemo possit esse vir probus, Conscientiæ, inquam cultor suæ.

Quid in s. peribus suis rigide autem derint sancti virtutis. Ad sanctorum autem virorum praxim quod attinet, quasi si 27. ipsis solemne fuerit sese etiam de bonis actionibus accusare, & verò etiam quasi de malè actis condemnare; id enim verò protinus nego. Et quamvis errori huic, plurimorum recensitis exemplis, lartam possem detrahere, vna mihi iam sufficit D. Pauli quam nunc protuli, & quidem irrefragabilis auctoritas. Equidem fateor, sanctissimos homines rigido prorsus examini actiones suas subiucere solitos, & non indiligerent fuisse perscrutatos, an non nævus aliquis, quamvis exiguis, quique etiam minus perspicacium aciem effugeret, fortassis virtutum exercitio sese insinuaverit: condemnasse verò actiones omnes vt cumque ceciderint, id sane dissiteor. Certum est, quod quamvis ex. gr. oratio Religionis sanctissimum sit exercitium, tamen non ita sanctam esse semper quæ funditur, vt non aut diurnitate moræ, aut mentis euagatione & incogitantiâ, aut etiâ ex corporis labori tenientis inconstantia, veniale aliquam labem possit contrahere; quæ tamen orationis substantiam, vt sic dicam, non vitiat; quemadmodum neque farinam prorsus adulterat, si quid forte surfuris sit intermixtum. In hos tamen næuos Sancti viri inquirebant acerrime. Et sic verebatur opera sua Job, non quidem ne mala essent, quæ sciebat natura sua esse sanctissima; sed ne à subrepentibus paulatim vitis, quidquam eorum bonitati detraheretur. Neque tam verebatur opera sua, quam verebatur operibus, quorum bonitati, industria singulari præcauebat. Errores ergo inquirebant in actionibus suis Sancti; non ut operibus nigrum theta inurent, eaque condemnarent, sed vt si iis labis aliquid

aliquid ex humanâ fragilitate adhæsisset, istam illico discuterent & emendarent. Neque verò quæ formæ suæ studiofa est virgo, vultus sui speciem condemnare dicenda est, quod minutim admodum in næuos maculasque exiguae speculo opposita inquirat, iisque adinuentis, illico ad manus veniat quasi si bellum vultui indixerit. Vultum certe non condemnat, sed næuos, hos autem dum condemnat, commendat vultus speciem. Neque verò in maculas inquirit, ut iis repertis sese deformem judicet, formosa cùm sit; sed ut inuentas deleat, ne formæ pergent officere. Talis, inquam, Sanctorum mos est: næuos in actionibus etiam sanctissimis inueniunt, ad quos aliorum oculi caligarent. Verūm judicasse eos, actiones omnes perperā à se esse institutas, orationem nullius fuisse meriti, ideo quod euagatione mentis interpolata fuerit; corporis afflictiones, eleemosynas, aut alia institutæ opera, mala fuisse, quod vana iis sese gloria interseruerit; colloquia corporisque recreaciones sceleratas fuisse, quod modūm ait aut tempus aliquantulum excesserint; aliaque eiusmodi, actiones suas ita vitiasse, ut malas habendas duxerint; hoc, inquam, penitus nego eos iudicasse, & dicta eiusmodi, pīx cuidam, ut sic dicam, sacrarum rerum ignorantia censeo tribuenda.

28. Quid enim? an ergo Sancti pro gratiis sibi à Deo præstitis, scire opor-
gratos sese non præstiteré largitor tam munifico? Gratias autem
fauoresque è cœlo percepisse se si agnoscant, sanè istud etiam
sciuere, an gratiis sibi concessis recte sint vñi. Vñi verò iis recte sū.
Si fuerint, consequens est ut sciant benè aliquid à se esse præstitum:
nisi forte dicas, benè aliquid posse fieri ab ignorantē, an benè ope-
retur an male, id est, sine boni aut mali Conscientiā.

29. Atque ut errorem hunc multis magis detrahām, istud hic per
transennam dicendum est, falli plurimos, quod examen nocturnum Conscientiæ, cui multum assueuere pii homines, inqui-
rendis tantummodo peccatis, quæ per diem commissa sunt, cre-
dant institutum. Falluntur, inquam, si hanc totam esse putant
examinis materiam, Fateor ideiò institui, ut in actiones præ-
teritas inquiratur: & quidem si peccatis fuerint inuolutæ, ut illico desleantur, & non procrastinatā pœnitudine, contractæ
fordes ut deleantur, pristinusque redeat animæ nitor. Sed quid
si actiones inueniantur bonæ, aut certe maculis tantum exiguis
interspersæ? Tum sanè agendæ sunt Deo grates oppidò maximæ,
bono-

bōnorū omnium largitori, & per quem stetit, à te actum quod
sit bene. Hęc enim uero est animi, virtutes suas agnoscēntis,
dēmissio; agnoscere per quem sis id quod es; eique tribuere
actionum à te benē p̄st̄tarum, vti originem, ita & laudem.
Grates autem quomodo p̄stab̄s Deo, nisi bonitatem actionis
agnoscas, ad quam exhibendam, usus te Deus fuerit ut instru-
mento? Hoc itaque agnosce, & non de nihilo latus es, quia
non de nihilo gratus. Hanc autem examinis instituendi for-
mam, p̄terquām quod à Sanctissimo Patre nostro Ignatio de-
scriptam acceperimus, etiam à D. Chrysostomo inuenio olim tra-
ditam, ac in duo membra dispunctam. *Quando in lectum tuum*
veneris, inquit, . . . dico in corde tuo & in animā tuā; Expendi-
mus diem & anima! quid boni fecimus, aut quid mali operati sumus?
Et si quid boni feceris, age Deo gratias; si quid mali, de cetero ne
facias. Etiam igitur ex D. Chrysostomi mente est, rem à se actam
dignoscere, & siquidem acta sit bene, id etiam sine temeritate ullā,
posse, imò debere iudicari.

Responde-
tur ad lo-
cum D.
Gregorij.

Cur ergo, inquires, D. Gregorius asserit Bonarum mentium esse
proprium, ibi culpam agnoscere ubi culpa non est? Palmaria videtur
esse hęc à tanti viri auctoritate desumpta difficultas; gaudeo nihil
ominus eam mihi esse obuolutam. Scio multorum Theologorum
ingenia torsisse hanc sententiam, & varia à variis enodandae diffi-
cultati afferri acuta & p̄clara. Et quidem D. Antoninus ut
se expediat, dicit culpam agnoscere, nihil aliud esse nisi culpam ti-
mere. At p̄terquām quod id sit distorquere verba Pontificis,
ego istud nequidem satis intelligo, cur bonarum mentium sit,
culpam timere ubi culpa non est. Id quid bonarum mentium
proprium esse video, cauere ne subrepat malum, illudque fugere
dum p̄sens est. Sed cur timere debeo, né viperā h̄c me mor-
deat, ubi viperā non est, nec prima quidem viperā vestigia? Sic
sanè, culpam timere ubi culpa est, id verò video bonarum men-
tium quī sit proprium; at verò eam timere, ubi non est, pace D.
Antonini dixero, me penitus non percipere, bonarum mentium
id quī sit.

Bona mens
sumitur à
D. Gregorio
pro simplici
ignorantie.

Aliis alii modis nodum hunc conantur dissoluere; sed ego ne
nodum quidem video, si quid sint hoc loco Bonae mentes, recte
exposueris. Bonas enim mentes hic vocat Gregorius, mentes
rudes & simplices; antiquæ, sed parum in rebus agendis insti-
tutæ.

D. Ignatia
Exercit.

D. Chrys.
hom. 2. in
Psal. 50.
to. 1.

D. Anton.
P. 3. tit. 3.
c. 10. §. 10.
reg. 6.

Q. 2.

31.

tutæ probitatis. Sic autem Bonarum, id est, simplicium mentium, fateor proprium esse culpam aliquo modo aut etiam omnino agnoscere, ubi culpa non est; hoc enim est simplicem esse & rudem. Hanc autem sententiam & mentem esse Grégorii, patet ex ipso orationis contextu, & responsi natura. Quærebatur nimirum ab Augustino, Angliæ Episcopo, inter alia, an mulieribus, tum cum illi sexui morbis consuetis, menstruis, inquam, impllicantur (sit verbo venia, ut constet de mente Gregorii) an, inquit, eo tempore sacra eis deneganda Synaxis esset. Et rursus an recte agerent, quæ tum à tam sancto mysterio suā sponte abstinerent; esse enim non paucas quæ id sibi religioni ducerent: prout & nunc non paucos videoas, qui illoto ore, netas esse, quamvis per errorem ducunt, hæc sacra suscipere. Quæstionem sic dissolutus magnus Gregorius: Synaxim eis denegandam non videri, & recte agere eam cum petunt. Verum si quæ ex mysterii reuerentiâ, cui sordes has corporis putant officere, usum sibi Communionis interdicat, laudandam esse potius quam reprehendendam. En verba Pontificis. *Si ex veneratione magnâ percipere non presumit, laudanda est; sed si percipiatur, non judicanda.* Et prioris quidem sententiæ rationem subjicit. Bonarum quippe mentium est, inquit, ibi etiam aliquomodo culpam agnoscere, ubi culpa non est. Ut autem probet culpam non esse, illicio addit, quia sept̄ sine culpâ agitur, quod venit ex culpâ, scilicet Adami, prout hæc & reliquæ omnes infirmitates veniunt. Vnde etiam, inquit, cum esurimus sine culpâ comedimus, quibus ex culpâ primi hominis factum est ut esuriremus.

32. En sensum D. Gregorii; quem quidem judico esse apertissimum, verum, & genuinum; neque ullis explicationibus intricandum, si per Bonas mentes, mentes simplices & ignorantes intellecteris; quas quidem, præsertim in hæc materiâ latis sordidâ, neque pro populo multum explicandâ, simplicitati suæ & ignorantia committendas, in eâque relinquendas esse judicat Pontifex, ne simplices animæ aliquod arripiant fortassis offendiculum: præsertim cum sine peccato ullo à Communione licitum est abstinere. Neque sensum hunc video Syluestro displicere, qui durius etiam bona mentes quid hinc sint, explicat. *Hoc est bonarum mentium, inquit, proprium: sed non in quantum sunt bona moraliter, sed in quantum naturaliter sunt mala ex defectu rationis non*

N n potentis

Sylvester
verbo
scrupulis.

potentis judicare verum, propter complexionem melancholicam, vel alias causas scrupulositatis. Ita ille. Dicamus autem naturaliter esse bonas, hoc est simplices; & plana erit oratio. Judicant enim culpam esse, non quia moraliter ipsæ bona sunt, sed quia naturâ sua bona sunt, hoc est simplices, & quidem ex rationis defectu. Neque verò mirum est D. Gregorium bonas mentes cum simplicibus confundere. Nam præterquam quod id linguis vernacularis, quibus nunc utimur, passim in vsu sit, video etiam hunc *simplicis & boni* promiscuum sensum Latinis non displicuisse. Plinius certè sic loquitur, *Bonitas*, inquit, *& simplicitas uxoris.* & Cicero ipse *boni* vocabulum sic detorquet, *Consules duos bonos quidem, sed tantum bonos amissimus.* Quid est autem tantum bonos, nisi quod vulgo dicimus simplices, & ad res gerendas inhabiles? Itaque constent sibi D. Gregorij & verba & mens; & ex hoc loco non conficies, sanctitatis indicium esse culpam fingere aut agnoscere vbi culpa non est, sed mentis non satis sobrie sapientis, aut certè ignorantia, quæ simplicitati ignoscenda est, temere implicata.

Plinius
apud Lu-
cium in-
axario
ling. Lat.
Cicero ad
Brutum.

Responde-
tur ad lo-
cum ex E-
vangelio de
promptum.

Jam verò quod ad auctoritatem Christi attinet, discipulos suos sic instituentis, ut cùm fecerint omnia quæ præcepta sunt, dicant seruos sese esse inutiles; id sanè à me dictis minimè officit. Non enim præcepit Christus, ut sese malos seruos dicant, sed inutiles. Quod quidem triplici potest ratione explicari. Primo ut quæcumque demum virtutum opera à nobis fuerint præstata, etiam acuratissimè & sanctissimè, tamen de iis tam tenuerit esse sentiendum, ut naturâ suâ prorsus inutilia esse agnoscamus, quibus amicitiam Diuinam, cœlestemque gloriam consequamur; quæ non operum congenitæ præstantiæ & merito naturali quasi de condigno tribuuntur, sed Gratia Christi dantis dignitatem supernaturalem operibus, & Dei ea acceptantis atque ita remunerari decernentis mero beneplacito. Secundò inutiles nos esse seruos fatendum est, licet omnia à Deo præcepta fuerimus executi; quia opera nostra nihil commodi Deo afferunt; neque quidquam pro eis gratia Deus debet, cùm nihil ei sit præstitum, quod non jure seruitutis debebatur. Et hunc sensum verbis suis præstituisse Christum, declarat orationis contextus. Cum Lucæ 17. enim petiisset, *Numquid gratiam habet (Dominus) seruo illi,* v. 9. 10. *quia fecit quæ ei imperauerat?* Non puto. Mox subiungit. *Sic*

& vos,



*D*e vos, cum feceritis omnia que præcepta sunt vobis, dicite serui quid signi-
inutiles sumus; quod debuimus facere, fecimus. Quod si fecerint ^{ficerunt seruos inutiles.}

qua debuerant, certè fecerent quæ bona erant; non enim facere
debebant mala. Igitur cum scierint fecisse se qua debuerant,
scierunt sane fecisse se bene, atque adeo bonum de suis actio-
nibus tulere judicium. Et hoc debueret ferre, ex mente Christi,
vt nihilominus sese seruos faterentur inutiles, id est obsequis

<sup>Aug. 1. 2.
Euan. qu.
q.39.</sup> suis nullum Domino conferentes commodum. Tertio lo-
cūm hunc sic interpretatur D. Augustinus, dicite serui inutiles
sumus, seu superuacui, id est vacantes. Quasi sidicat Chri-
stus, agendum esse tam strenuē cum Deo, vt cum omnia fece-
rimus qua præcepta sunt nobis, non putemus nos muneri satis-
fecisse si deinceps vacemus ab opere; sed illicò accurrendum esse
ad Deum; nouaque operum virtutumque exercitia esse petenda,
ne vlla vitæ nostræ pars à Dei obsequio vacer. Itaque peractis
omnibus, dicite serui inutiles, hoc est, vacantes sumus, quod
debuimus facere fecimus: abloluimus nempe imperata, & sic
noua deinceps poscimus imperia. Atque ex his huius loci ex-
positionibus, satis jam constare arbitror, nullum ex hac Christi
fidentiâ dari patrocinium iis, qui animo sane remisso & imbel-
li, judicant actiones omnes in malam partem esse trahendas, ne-
que umquam approbandas, sed contra potius condemnandas.

^{34.} Imbellis dixi ignauique animi esse ita secum agere; & quam-
uis qui illius genij sunt, sanctitatis adipiscendæ magnum in de-
pravatis hisce de se judiciis credant se habere adjumentum, in-
signem nihilominus h̄c technam dæmonis video & fallaciam.
Persuadere nimis rūm nititur, vt semper iniquis oculis actiones
suas homines, cæteroquin optimi, conspiciant, de iis in malam
partem semper sentiant, ac denique vt condemnent; idque de-
missionis humilitatisque falso sub prætextu. Interim alia pror-
sus est ei mens. Animos ad bene agendum promptos alias at-
que alacres, nititur infringere. Certum est enim, xvi recte
factorum Conscientia animos addit ut plura quis audeat; suo-
que exemplo excitatur quis, ut ad majora aspiret. Dei adjuvante
gratiâ, cum agnoscit ea qua præstitit bene successisse; ita nihil
ad eo animos deiicit, hominemque in omnem trahit ignauiam;
quam si videat, omni etiam adhibito conamisse, nihil quidquam
se proficere, nihil agere quod laude dignum sit, nihil quod non

*Diabolus
persuadere
nobis vult
actiones
omnes esse
condem-
nandas
umquam
malas.*

N n 2

merito

meritò reprehendatur & à Deo, & à se. An non hoc est ignavum tedium actionibus inducere? Sanè reprehende quotidie & identidem puerum summâ diligentia characteribus formandas incumbentem, neque quidquam eorum quæ pinxit commendata; velle, reuelle apices singulos; citò destituetur animis, nihil aget; & si nihilominus cogatur scribere, lentâ calamum trahet manu. Hoc igitur Dæmonis artificium attende, & caue ne dum censor tui ipsius vis esse nimium rigidus, imbellis fias & ignauus virtutis executor. Nolo sanè palpari errores; sed fingendi non sunt ubi non sunt: & dum perperam factis debita adhibetur reprehensio, sanè laus sua bonis actionibus, quæ tota in Dei gloriam cedit, à Conscientiâ, quo nimirum judice, minimè est deneganda.

S. V.

Gaudium ex Conscientiæ bono testimonio exortum adeò non esse vanam gloriam, ut contra sit maximè solidum & meritorium, demonstratur.

*Ex laute
Conscientia
Gaudium
Voluntatis,
imo & cor-
pori volisp-
tus oritur,*

*Quare
an Gau-
dium hoc
non sit ina-
mna gloria.*

VT ergo officio suo functa est Conscientia, benignamque de actionis peractæ probitate sententiam tulit, in quâ, quæ sola à Conscientiâ expectari potest, voluntatis laudem diximus consistere; tunc minimè dubium est, quin pro ingenito naturæ rationali laudis studio & amore, mentem subeat inexplicabile quoddam Gaudium: quod sèpè numerò ita effertur, tamque ita complet animam, ut præ nimiâ abundantia corpori superfusum, illud etiam deliciis afficiat exquisitissimis. Gaudium animi, diximus esse quietem Voluntatis insidentis quoddammodo bonis à se partis; sibique complacentis, Conscientiæ quod fecerit satis. Corporis vero deliciæ, sanguinisque quam animi Gaudium excitat impetiginem, gratumque sensum, propriè voluptatem voca. Et quidem de his secunda inferebatur quæstio; nimirum an Gaudium hoc, eiusque asseclæ, non sit ea quæ tantoperè condemnatur vana gloria? an non saltem vanitatis hujus contrahendæ periculo mens exponatur; ac proinde an non satius fuerit Gaudium hoc coercere & contrahere, ne se efficerat,

35.

efferat, quām frēna ei laxare ne incautum in præceps ferat?

Quid dicam? Reuerā dissimulare non possum, quod mihi ^{Ineptè hoc petiuntur.} in mentem venit. Video, inquam, homines, quibus ita lubet esse meticulosis & tristibus, ut valde dubitem an non in ipso Gaudij centro, in cœlo inquam disputaturi sint, an liceat tandem gaudere animo soluto & defœcato; & an inter delicias illas innocentissimas, periculum subituri non sint inanis gloriæ. Adeò meticulosum est hoc hominum genus, tristitia patroni sanè importuni.

37. Breuibus itaque respondeo; non aliam me profectò felicitatem mortalibus, miseram in hoc orbe vitam trahentibus optare, quām eam quæ ex Conscientia bono testimonio enascitur. Utinam huic Gaudio inquirendo insisterent mortales omnes! sanè & longè facilius lætitiam assequerentur, & longè sinceriores ex eâ voluptatem caperent, præ eâ quam in nescio quibus corporis deliciis, labore improbo, fructu aut nullo aut perquām exiguo, miserè perscrutantur, & numquam inueniunt. Longè profectò præ his alia est, quæ ex Conscientia testimonio voluptas percipitur. Non est, inquit D. Bernardus, non est hæc delectatio cibi neque potus, aut similis cuiuslibet rei. Delectatio tamen est, dicitur maior omnibus illis. Diuina est dicitur non carnalis delectatio; dicitur cùm his delectamur, planè delectamur in Domino. Hæc certè est de quā gloriabatur Paulus ipse, neque tamen inanem esse, de quā gaudebat, gloriam arbitrabatur. Gloria verò hæc erat Conscientia propriæ testimonium. Adeo autem non erat inanis, ut ex eâ maiores sumeret animos ad durissima quæque subeunda pericula: quin & corpus ipsum hâc tam solidâ delectatione reficeret, eique nouos subiiceret spiritus, ad aggredienda facinora, ex quorum approbatione, tam sincera & liquida ipsum corpus subiret delectatio. Et erit quisquam qui jam dubitet ea gloria aut voluptas admittenda num sit, quæ tantum ad heroica facinora præstat incitamentum & auxilium?

Quid, quod non summæ delectationis tantum sit hoc Gaudium, sed & meriti maximi, virtutisque actus planè excellens? quod quidem sic planum facio & demonstro. An enim hoc mihi quisquam negauerit, actum amoris & benevolentia egregium exercere me, si quando gaudeo atque etiam præ gaudio exulto, alienâ operâ Deum colidum video, misericordia

D. Bern.
de trip.
modo o-
randis ser-
mone. 5.

N. n. 3

Gaudium
hoc sum-
mus est
ad virtu-
tem inci-
tamentum.

Gaudium
hoc summi
est meritis,
& virtutis
excellens
actus.

diæ opera passim exerceri , templis cultum deferri , Sacram Synaxim frequentari ? Nonne singulari etiam honore Deum afficio , hæc omnia dum probo , gaudeo que reuerentiam ei debitam à mortalibus deferri ? Quis id inquis dubitet ? amoris enim actus is est & Leo & hominibus Deum colentibus beneuoli . Summi igitur meriti est id gaudium . Jam verò istud rogo ; cur si hæc ego meipsum agentem video , mihi non liceat eam beneuolentiam mihi met ipsi præstare , vt mihi gratuler bene me agere ? aut cur delectare me non possint Deo à me præstata obsequia , delectare si possint aliena ? an minùs ergo me afficiet , Deum à me quam ab alio coli , si cultus utrobique æqualis sit , & meus fortè haud paulò religiosior ? Certe præter rationem es- sent hæc omnia . Nemo enim cùm mihi propinquior sit nec carior , quam ego met mihi ; inordinatum planè sit me de alieno gaudere bono , & non de meo . Itaque si me diem rectè ex giste videro , si præclara pietatis opera præstitisse , si scelera deuitisse , si religionem exactè coluisse , si Diuino cultui reuerentiam debitam exhibuisse , gratias agam Deo oppidò maximas ; & beneuolo amore quo erga Deum feror , gaudebo à mortali homine Numen coli : mihi que gratulabor , quod me cultus sibi præstisti , passus sit esse instrumentum ; & sic viuam placide & securus mei . An non hoc gaudio Deum mihi demereor ? an hoc non est Deum amplecti amore non qualicumque , sed amicitiae & beneuolentiae , hoc est amore sincerissimo ? Ut quid ergo vanum hoc dicunt gaudium , vanamque gloriam , quæ tanta merita secum trahit ? Vana esset fortassis gloria , si bona quæ egisti opera passim diuenditares , humanæ tantum laudis approbationisque putidè captandæ gratiâ : vana esset imò insana gloriatio , si bona quæ agis tuo marte , sine Diuinæ gratiæ auxilio , consecutum te crederes : vana esset gloria , si hæc ad contemptum aliorum te pertraherent ; & contrà , magnam tuipius existimationem ingererent , quasi essem quid eximium , & dignus qui tibi saltem placeas .

*Aliud longe
est gaudere
de se &
sibi placere,
aliud gau-
dere de a-*

At inquires , qui de bonitate gauder actionis à se præstare , an non is de se gaudet , & sibi placet ? Minimè verò . Aliud enim longè est placere actionem à se exhibitam , aliud autem hominem placere sibi . Digna hæc est ad quam sedulò attendatur , duplicitis complacentiæ differentia . Non enim est sanè , quod multū

39.

multum sibi placeat, aut multum arroget, quiscumque demum dum adhuc mortalis est; nimia enim est humanæ virtutis inconstantia & infirmitas. Et quamvis tibi modò de virtute tuâ applaudas, teque demulceas; nescis sane *craſtina*-quid ferat dies, & fecutura Dæmonis impugnatio. Hinc numquam de se solidè quisquam gaudeat; nam quod est, potest non esse cras. Verum cùm virtutis actionem aliquam præclarè exercui, salua res est, in faluo est opus; neque vñquam quod exhibitum est Deo subsequim, potest vitiari. Deo exhibitus est cultus debitus, dies hic bene exactus est; neque si cras male egero, quidquam de hâc operis bonitate & præstantiâ, aut de cultu hodie Deo exhibito detrahetur. Placere itaque id potest, quod actum est bene, quamvis is qui egit, sibi penitus placere non possit, neque quidquam arrogare, inconstantie suæ sibi cùm sit conscius, adeoque nesciat quid de se futurum sit cras. Sic qui mercede operam elocatit, vespere exacto opere, de labore peracto, & mercede conquistâ merito gaudet, quamvis nesciat craſtinæ quid ferant vires.

40. Gaudear igitur Conscientie suæ testimonio felix anima, & de opere bene peracto, sibi & Deo benevolè gratuletur; sane hoc ipso Gaudio, Deum sibi rursus demerebitur. Neque enim vi-deo, cùm dolor & pœnitudo scelerum Diuinos fauores, & gratiam possit promereri, cur hoc meritum Gaudio de re bene actâ denegetur. Rursus, si dolor animi peccata detestantis, vitan-dis deinceps sceleribus gratiam cœlestem eliciat; certè de peractâ bene actione Gaudium, ad noua audenda, animos dabit; & verò etiam iis peragendis, noua à Deo auxilia consequetur. Gaudear itaque felix Anima; Deo de præstito sibi fauore gratias agat, sibiique tanquam Diuini cultûs promouendi instrumento gratuletur. Neque si fese tam felix lœtitia animo ingerat, mentem contrahat: expandat quinimò illi excipiendæ omnes animi & peccoris sinus. Nam vt ex Bernardo dixi, *Diuina est, non carnalis illa delectatio, & cum sic delectamur, plane delectamur in Domino.*

*Azione pre-
sita illam-
que placere.*

*Si bonus &
meritorius
est de malo
dolor, et-
ian bonum
& merito-
rium est
Gaudium
de bono.*

TERTIVM